

О ҚУ ОРНЫ

XXI ғасыр ғылым-білім және инновация заманы. Бүгінгі жас өскін ғылым мен техниканы жоғары деңгейде меңгеруі тиіс. Техника салаларындағы мамандарды даярлау және оларға қолдау көрсетуде өңірімізде сен қозғалды десең болады. Оған дәлел, әрдайым өткізілетін республикалық, облыстық және қалалық олимпиадалармен басқа да ғылыми-зерттеу, шығармашылық конкурстары.

МАМАНДЫҚ ТАҢДАУ – МАҢЫЗДЫ ІС

Қазіргі таңда М. Әуезов атындағы Оңтүстік Қазақстан университетінде мектеп оқушыларын ғылыми-техникалық шығармашылық жұмыстарға тарту және олардың зерттеу жұмыстарына университет профессор-оқытушылар құрамынан кеңес беру жүргізілуде. Сонау 1973 жылы Қазақ ССР-нің Ұлттық ғылым Академиясының Президиумы жанында Қазақстан Республикасының Кіші ғылым Академиясы құрылып, талантты жастарды іздеп, анықтап және олардың шығармашылық қабілетін дамыту үшін республикадағы мектептер, ЖОО және ғылыми-зерттеу институттарының мамандары мен ғалымдарын қатыстырумен мақсатты жұмыстар жүргізіліп келген. Осындай мақсатпен М. Әуезов атындағы ОҚУ «Академиялық ғылымдар департаменті» жанынан қоғамдық негізде ұйымдастырылған жас конструкторлар мен дизайнерлердің «АРХИМЕД & Perpetuum mobile» атты ғылыми Кіші Академиясы 2013 жылдан жұмыс жүргізуде. Кіші Академияның кеңес беру жұмысы университет дайындайтын ма-

мандықтарға байланысты, яғни жаратылыстану ғылымдары мен техникалық мамандықтар бойынша 17 ірі бағытқа бөлініп және оған бірнеше ондаған ғалымдар кеңес беруде. Оның айғағы – әлемді жайлаған пандемияға дейін Шымкент қалалық білім бөлімімен бірлесе отырып университет қабырғасында өткізілген Халықаралық ғылыми-практикалық конференциялар. Студенттер мен мектеп оқушыларының ғылыми-практикалық шығармашылық жұмыстары мен ғылыми баяндамалары, инновациялық тұрғыдағы жоғарғы нәтижені көрсетті.

Кіші Академияның ғылыми кеңесшілерінен уақытында кеңес алып, өз жұмыстарын ары қарай жалғастыра білген жастардың алды Австрияның Вена және Зальцбург қалаларында, АҚШ-тың Пенсильвания штатында, Белорусияның Минск қаласында, Ресейдің Новосибирск қаласы, Нұр-Сұлтан қаласы мен Алматы қалаларының ЖОО-да және М. Әуезов атындағы ОҚУ-да білімдерін жалғастырды. Сондай-ақ, студент жастардың сәулет мамандығы

бойынша шығармашылық жобалары Италия, Молдова, Ресей, Түркия және Өзбекстан елдерінде өткізілген конкурстарға ұсынылып, жүлделі орындарға ие болды. Жас ғалымдарымыздың ғылыми жұмыстарына жаңа серпін беру мақсатында «АРХИМЕД & Perpetuum mobile» Кіші Академиясы университеттің жоғарғы мектеп және факультеттерімен бірлесе отырып «Жасыл экономика және ғылыми-техникалық прогресс», «Жас ғалымдардың заманауи әдістер мен инновациялық технологияларды қолдану», «Балама энергетика көздері» тақырыптарында университеттің жетекші ғалымдарының қатысуымен бірнеше рет «дөңгелек үстел» өткізілді.

**Қалдыбай
НАУРЫЗБАЕВ,
М. Әуезов атындағы
ОҚУ «Сәулет»
кафедрасының
доценті, техника
ғылымдарының
кандидаты,
«АРХИМЕД & Perpetuum
mobile» Кіші
Академиясының
жетекшісі, ҚР Журналистер
одағының мүшесі**